

# ՇԻՐԻՄՔ ԱՆՄԱՆ ԲԱՐԵՐԱՐԱՑՆ

Տ Պ Ա Գ Ր Ո Ւ Թ Ե Ա Ն

## ԶԱՄՁԵԱՆԻ ԵՌԱՀԱՏՈՐ ՊԱՏՄՈՒԹԵԱՆ ՀԱՅՈՑ

Որպէս յիշատակեալ եմ յէջս անգլիա-  
րէն նորատիպ Պատմութեան իմում ըզ-  
Հայոցն Հնդկաստանեայց<sup>1</sup>, Հայք լեալ են  
հիմնադիրք կալկաթա մեծահոշակ քա-  
ղաքիս յակզրան ժէ դարուն: (Տեսանել և  
«Բազմավէպ», վասն Մարտ-Յուլիս, 1936,  
էջ 94-96):

Ի գալն անգլիացւոց աստ, ընդ դեկա-  
վարութեամբ Զօր Զարնակի, յամին 1690,  
եկին և մտին ընդ հավանաւորութեամբ  
նոցին և լուստանացիք, ըստ մեծի մա-  
սին խառնածինք, ի Բանդէլ կոչեցեալ  
քաղաքէն, ուր ունէին եկեղեցի մի կա-  
ռուցեալ յամին 1599, և որ կայ և մնայ  
ցայսօր, թէպէտ և վերաշինեալ և ընդար-  
ձակեալ յամին 1640:

Նորեկ լուստանացիք կառուցին ի կալ-  
կաթա մատուռ մի փոքրիկ, յամին 1700,  
ծախիւք բարեպաշտօն կնոջ ուրումն՝ Մա-  
րիա Տէնչ անուն, որոյ երկոտասանամիայ  
դուստրն էր առաջին ննջեցեալն որ ամ-  
փոփեցաւ անդ, յամին 1712: Մատուռն  
գոլով փոքրիկ վասն աճող կաթոլիկ հա-  
սարակութեանն, ընդարձակեցաւ այն յա-  
մին 1720, ծախիւք ուրումն բարեպաշտի,  
Տիկին Սերաստեան Շահ անուն: Յետ կի-  
սոյ դարու անհրաժեշտ եղեւ զարձեալ ըն-  
դարձակել զեկեղեցին, ուստի յամին 1797,  
քանդեցին զնախկին եկեղեցին և կառուցին  
հոյակապ և ընդարձակ աղօթավայր մի  
որ կայ և մնայ ցայսօր ժամանակի և է  
մայր եկեղեցի կաթոլիկացն բնակելոց ի

քաղաքիս մեծի, գոլով ի նմին ժամանա-  
կին և վանք նոցին: Եկեղեցին օծաւ ի  
27 Նոյեմբերի 1799 ամին, և նուիրեցաւ  
յանուն Սրբուհւոյ Աստուածածնի: Գտանի  
եկեղեցին առ երի Նազարեթայ Հայոց ե-  
կեղեցւոյն, կառուցեալն յԱղայ Նազարայ  
Նոր-Զուղայեցւոյ, մեծահամբաւ հայ վա-  
ճառականին, յամին 1724, և է զարդիս  
հնագոյն սրբավայրն ի կալկաթա, և ի  
սրահի այնր գտանի և հնագոյն շիրիմն ի  
քաղաքի աստ, ի յիշատակ հայ կնոջ ու-  
րումն, հանգուցելոյ յամին 1630. (Տե-  
սանել «Բազմավէպ» վասն Մարտ-Յու-  
լիս, 1936 ամին, էջ 95):

Եթէ գրեցի զհամառօտ պատմութիւն  
հիմնարկութեան հինաւուրց և պատմական  
եկեղեցւոյն կաթոլիկաց, այդ այնու պատ-  
ճառաւ էր զի գտանին յայդմիկ եկեղեցւոջ  
խնկելի շիրիմը Հայ ննջեցելոց, թուով  
մետասան, թէպէտեւ լեալ են ի հնումն ա-  
ւելի քան զայդ, այլ դժբախտաբար ան-  
հետացեալ են այնոցիկ ի ժամանակի շի-  
նութեան նոր եկեղեցւոյն, յամին 1797-  
1799: Զկայ այսօր շիրիմ Հայր Սուքիասայ  
Աղամալեան, ի Մխիթարեան միաբանու-  
թենէ Վենետիկոյ, որ հանգեաւ ի Տէր, աստ  
ի կալկաթա<sup>2</sup>, և ամփոփեցաւ յեկեղեցւոջ  
յայնմիկ, մեծաւ և փառաւոր հանդիսիւ,  
յ'18 մարտին 1789 ամին: Ի սրահի ե-  
կեղեցւոյս կայ և զամբարան կարապետի  
Մկրտիչ Մուրատի, եղբոր ազգային մեծ  
բարերարին Սամուէլ Մուրատի: Եւ ի միջի

1. Armenians in India, from the earliest times to the present day, by Mesroby J. Seth. M. B. A. S. Calcutta. 1937. Published by the author at No. 9, Marsden Street. Price 15 shillings.

2. Հ. Յովհաննէս մեր թովմածանեան ի կենսագրու-

թեան իւրում (ձեռագիր, էջ 363) ասէ. «Եւ Հ. Սու-  
քիասն Աղամալեան... զնաց ի Պանկոյայ և անդ մեռանի  
1789»: Ի Պենկոյայ դնէ և «Մխիթար» բացառիկ թերթ.  
հրտ. յ200ամեայ յորեկինի Մխիթ. Ուխտիս, 1901 (յէջ,  
218). — ԵԱՆՕԹ. ԽՄԲ. «ԲԱԶՄԱՎԷՊ»